

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2023թ.

N ---- -Ա

ՈՐՈՇՈՒՄ

ԳՈՒՅՔԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ԱՆՀԱՏՈՒՅՑ ՀԱՆՁՆԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 594-րդ հոդվածով, հիմք ընդունելով Երևան քաղաքի ավագանու 2022 թվականի դեկտեմբերի 27-ի N 694-Ն որոշման հավելվածի 3-րդ կետը՝

Երևան քաղաքի ավագանին որոշում է.

1. Երևան համայնքի սեփականություն համարվող գույքը (գրքերի հավաքածու), ընդհանուր՝ 39310203.60 (երեսունինը միլիոն երեք հարյուր տասը հազար երկու հարյուր երեք դրամ վաթսու լումա) հաշվեկշռային արժեքով, սեփականության իրավունքով անհատույց հանձնել (նվիրել) Երևանի ենթակայության գրադարաններին՝ համաձայն հավելվածի:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ ԼԵՎՈՆ ՀՈՎՀԱՆՆԻՍՅԱՆ**

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

ՏԵՂԵԿԱՆՔ-ՀԻՄՆԱՎՈՐՈՒՄ
«ԳՈՒՅՔԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ԱՆՀԱՏՈՒՅՑ
ՀԱՆՁՆԵԼՈՒ ՄԱՍԻՆ»ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Որոշման ընդունումը պայմանավորված է Երևանի համայնքի հաշվեկշռում առկա գրքային հավաքածուն (թվով 12632 գիրք) Երևանի ենթակայությամբ գործող 19 գրադարաններին սեփականության իրավունքով անհատույց հանձնելու գործընթացը կազմակերպելու անհրաժեշտությամբ: Որոշման ընդունման արդյունքում համայնքապատկան գրադարանները կհամալրվեն նոր գրականությամբ, կբարելավվի հանրությանը մատուցվող գրադարանային-տեղեկատվական ծառայությունների որակը, գրադարանները հնարավորություն կստանան տնօրինելու և ընթերցողին տրամադրելու նոր գրքեր, ինչը, որոշակիորեն կմեղմի պահանջարկ ունեցող գրքերի հասանելիության և օգտագործման հետ կապված խնդիրները:

Երևանի քաղաքապետարանի նախաձեռնությամբ, «Գրադարանների համար անհրաժեշտ գույքի ձեռքբերում» ծրագիրն իրականացվում է արդեն երկրորդ տարին: Երևան քաղաքի 2022 թվականի բյուջեում այս նպատակով նախատեսվել էր 20 մլն ՀՀ դրամ, և հատկացված միջոցների շրջանակում, համայնքային 19 գրադարաններից ստացված պահանջագրերի հիման վրա, մրցութային կարգով ձեռք են բերվել և գրադարաններին հանձնվել 249 անուն 7053 գիրք, որի արդյունքում գրադարանների գրքային ֆոնդը համալրվել է նոր և ժամանակակից գրականությամբ, բարելավվել է հանրությանը մատուցվող գրադարանային-տեղեկատվական ծառայությունների որակը, ավելացել է ընթերցասերների թվաքանակը:

2023 թվականին համայնքապատկան գրադարաններին սեփականության իրավունքով անհատույց հանձնվող գույքը ձեռք է բերվել Երևան քաղաքի 2023 թվականի բյուջեում նախատեսված ծրագրի շրջանակներում, մրցութային կարգով և համայնքապատկան գրադարաններից ստացված պահանջագրերի հիման վրա: Երևան քաղաքի 2023 թվականի «Գրադարանների համար անհրաժեշտ գույքի ձեռքբերում» ծրագրի իրականացման արդյունքում ձեռք է բերվել 482 անուն 12632 գիրք, որոնց ընդհանուր հաշվեկշռային արժեքը կազմում է ավելի քան 39 մլն ՀՀ դրամ: Ցանկում հայ և արտասահմանյան դասական գործերի նոր հրատարակություններ են, մասնագիտական ու մանկական գունեղ գրականություն, նաև ժամանակակից հեղինակների վերջին ամենապահանջված գրքերը:

Ելնելով վերոգրյալից՝ առաջարկվում է ընդունել «Գույքը սեփականության իրավունքով հանձնելու մասին» Երևան քաղաքի ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ ԼԵՎՈՆ ՀՈՎՀԱՆՆԻՍՅԱՆ

ՏԵՂԵԿԱՆՔ

**«ԳՈՒՅՔԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ԱՆՀԱՏՈՒՅՑ
ՀԱՆՁՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ**

«Գույքը սեփականության իրավունքով անհատույց հանձնելու մասին» Երևան քաղաքի ավագանու որոշման նախագծի ընդունման առնչությամբ այլ իրավական ակտերի ընդունման անհրաժեշտություն չի առաջանում:

ՏԵՂԵԿԱՆՔ

**«ԳՈՒՅՔԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ԱՆՀԱՏՈՒՅՑ
ՀԱՆՁՆԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ
ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ
ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

«Գույքը սեփականության իրավունքով անհատույց հանձնելու մասին» Երևան քաղաքի ավագանու որոշման նախագծի ընդունման կապակցությամբ Երևանի բյուջեի եկամուտներում և ծախսերում փոփոխություններ չեն սպասվում:

**ԵՐԵՎԱՆԻ ՔԱՂԱՔԱՊԵՏԻ ԱՌԱՋԻՆ ՏԵՂԱԿԱԼ,
ԵՐԵՎԱՆԻ ՔԱՂԱՔԱՊԵՏԻ ՊԱՇՏՈՆԱԿԱՏԱՐ ԼԵՎՈՆ ՀՈՎՀԱՆՆԻՍՅԱՆ**